



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09 i 18/13), te Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini broj: 02-04-21805-40.1/21, utvrđen Zaključkom Vlade Kantona Sarajevo broj: 02-04-21805-40/21 od 20.05.2021.godine, broj:02-04-43454-36.1/21,utvrđen Zaključkom Vlade Kantona Sarajevo broj:02-04-43454-36/21 od 02.12.2021.godine, broj: 02-04-10691-40.1/22, utvrđen Zaključkom Vlade Kantona Sarajevo broj: 02-04-10691-40/22 od 17.03.2022.godine, broj: 02-04-26792-38.1/22, utvrđen Zaključkom Vlade Kantona Sarajevo broj: 02-04-26792-38/22, broj: 02-04-31385-1.1/22, utvrđen Zaključkom Vlade Kantona Sarajevo broj: 02-04-31385-1/22 od 16.08.2022.godine, i broj: 02-04-10273-1.1/23, utvrđen Zaključkom Vlade Kantona Sarajevo broj: 02-04-10273-1/23 od dana 11.04.2023. godine o b j a v l j u j e;

**JAVNI POZIV NEZAPOSLENIM OSOBAMA
DA SE PRIJAVE ZA UČEŠĆE U PROGRAMU SUFINANSIRANJA
ZAPOŠLJAVANJA TEŠKO UPOŠLJIVIH KATEGORIJA NEZAPOSLENIH OSOBA**

I

U cilju realizacije Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2021. godini, Javna ustanova „Služba za zapošljavanje Kantona Sarajevo“ Sarajevo (u daljem tekstu: Služba), poziva poziva nezaposlene osobe prijavljene na evidenciju nezaposlenih u Kantonu Sarajevo, da preuzmu svoj Vaučer za posao i pronađu poslodavca sa područja Kantona Sarajevo koji će ih zaposliti.

Cilj Programa je kraće trajanje nezaposlenosti i obezbjeđenje kvalifikacione strukture radne snage.

II

Planirana sredstva za ove namjene iznose 2.270.738,00 KM, a cilj je zapošljavanje 210 nezaposlenih osoba iz ciljne kategorije sa evidencije nezaposlenih Kantona Sarajevo.

Služba će poslodavcima koji budu obuhvaćeni ovim programom, mjesečno, 12 mjeseci, refundirati sredstva u ukupnom iznosu od 900,00 KM, po novouposlenoj osobi iz ciljne skupine, za cijelu ili dio isplate bruto plaće. Svi drugi eventualni troškovi padaju na teret poslodavca.

III

Pravo učešća u Programu imaju nezaposlene osobe prijavljene na evidenciju nezaposlenih u Kantonu Sarajevo sljedećeg statusa:

- osobe sa invaliditetom, kao i radno sposobne osobe sa intelektualnim poteškoćama u razvoju (dokaz – posljednja ocjena instituta za medicinsko vještačenje ili druga

relevantna dokumentacija izdata od strane nadležnog organa kojom se dokazuje da se radi o osobama sa invaliditetom, te akt izdat od strane nadležnog organa iz kojeg je vidljivo da se radi o osobama sa intelektualnim poteškoćama u razvoju za kategoriju radno sposobnih osoba sa intelektualnim poteškoćama u razvoju),

- djeca i supružnici osoba sa invaliditetom od 20% i više (dokaz o srodstvu sa osobom sa invaliditetom od 20% i više i posljednja ocjena instituta za medicinsko vještačenje ili druga relevantna dokumentacija izdata od strane nadležnog organa kojom se dokazuje da se radi o osobi sa invaliditetom 20% i više),
- članovi domaćinstva u kojem nijedan član nije zaposlen (dokaz – uvjerenje općine – kućna lista),
- žene koje na dan objave javnog poziva imaju 40 i više godina života (dokaz – Služba provjerava kroz svoje evidencije),
- samohrani roditelji, staratelji i hranitelji i njihova djeca (dokaz – uvjerenje/akt centra za socijalni rad ili drugi relevantni akti izdati od strane nadležnih organa kojim se dokazuje predmetni status, odnosno dokaz o srodstvu sa samohranim roditeljem, odnosno dokaz o starateljskom i hraniteljskom odnosu za djecu pomenutih kategorija),
- roditelji djeteta sa posebnim potrebama i roditelji teško bolesne djece (dokaz o srodstvu sa djetetom sa posebnim potrebama/teško bolesnim djetetom i uvjerenje/akt centra za socijalni rad ili drugi relevantni akti izdati od strane nadležnih organa kojima se dokazuje da se radi o djetetu sa posebnim potrebama/teško bolesnom djetetu),
- žrtve nasilja, žrtve nasilja u porodici i djeca žrtava nasilja (dokaz – uvjerenje/akti centra za socijalni rad, MUP-a, suda, sigurne kuće ili drugi relevantni akti izdati od strane nadležnih organa kojima se dokazuje predmetni status, dokaz o srodstvu sa žrtvom nasilja za djecu žrtve nasilja),
- liječeni ovisnici o psihoaktivnim supstancama (dokaz – uvjerenje/akt specijalizirane medicinske ustanove, uvjerenje/akt komune),
- bivši štice domova za nezbrinutu djecu (dokaz – uvjerenje doma za nezbrinutu djecu, uvjerenje centra za socijalni rad),
- osobe starije od 50 godina života od dana prijave poslodavca na javni poziv (dokaz – Služba provjerava kroz svoje evidencije),
- osobe koje su na dan objave javnog poziva na evidenciji nezaposlenih u Kantonu Sarajevo 5 godina i duže (dokaz – Služba provjerava kroz svoje evidencije) i
- korisnici javnih kuhinja (dokaz – uvjerenje centra za socijalni rad ili ovjerena fotokopija kartice za topli obrok).

IV

Nezaposlene osobe koje ispunjavaju uslove iz člana III ovog Javnog poziva, dužne su u Službi preuzeti Vaučer za posao i pronaći poslodavca koji će ih zaposliti i kojem predaju Vaučer za posao na dalje postupanje.

Poslodavci koji žele učestvovati u Programu dužni su:

1. podnijeti aplikaciju u roku predviđenom u javnom pozivu,
2. uz aplikaciju, u originalu ili ovjerenoj fotokopiji priložiti:
 - rješenje o registraciji u Kantonu Sarajevo (aktuelni izvod iz sudskog registra (rješenje o registraciji) za poslodavce koji su u skladu sa Zakonom

obavezni izvršiti upis u sudski registar ne smije biti stariji od 30 dana od dana podnošenja aplikacije),

- uvjerenje o poreskoj registraciji sa identifikacionim brojem,
- uvjerenje o izmirenim obavezama po osnovu poreza i doprinosa ne starije od 60 dana od dana prijave na javni poziv sa listingom o trenutnom broju zaposlenih (izdat od strane Porezne uprave Federacije Bosne i Hercegovine),
- uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik ne starije od 60 dana od dana prijave na javni poziv (izdat od strane Uprave za indirektno oporezivanje Bosne i Hercegovine), a ako podnosilac aplikacije nije PDV obveznik dostavlja izjavu ovjerenu kod nadležnog općinskog organa ili notara da nije PDV obveznik,
- potvrdu banke ili ugovor o otvorenom glavnom računu poslodavca, odnosno neki drugi relevantan dokaz o glavnom računu (ako je poslodavac budžetski korisnik šifru budžetskog korisnika),
- vaučer/e za posao popunjen od strane nezaposlene osobe/a i poslodavca,
- dokaz o statusu nezaposlene osobe iz člana III ovog Javnog poziva.

U Programu ne mogu učestvovati:

1. Poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru.

2. Poslodavci koji nemaju radnika prijavljenih na penzijsko – invalidsko osiguranje.

V

Poslodavci korisnici Programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika i raskida ugovora o radu na zahtjev radnika, a do okončanja ugovora o sufinansiranju.

Poslodavcu se neće sufinansirati zapošljavanje osoba koje je već zapošljavao, a kojima je prestao radni odnos kod tog poslodavca u posljednjih 12 mjeseci od dana objave javnog poziva za ovaj program.

Odredbe iz ovog člana Javnog poziva se ne odnose na poslodavce iz javnog sektora.

VI

Javni poziv za Program ostaje otvoren do utroška sredstava, a najduže 6 mjeseci od dana objave uz mogućnost prekida prije isteka 6 mjeseci, a odobravanje aplikacija po Programu vršit će se prema vremenu i redoslijedu zaprimanja na protokolu Službe koja će putem web stranice obavještavati nezaposlene osobe i poslodavce o preostalim raspoloživim sredstvima.

Po ovom programu u periodu trajanja prvih 60 dana javnog poziva, jednom poslodavcu se može odobriti zapošljavanje najviše dvije nezaposlene osobe, a nakon navedenog roka,

poslodavcu se može odobriti zapošljavanje još dvije nezaposlene osobe uz dostavljanje nove aplikacije sa traženom dokumentacijom.

Služba će sa poslodavcima koji budu obuhvaćeni Programom, zaključiti ugovore kojima će biti regulisana sva prava i obaveze ugovornih strana u skladu sa Programom.

VII

Rok za realizaciju Programa je 18 mjeseci od dana potpisivanja pojedinačnih ugovora sa poslodavcima, uključujući i eventualne anekse ugovora.

Izuzetno, rok za realizaciju Programa može se produžiti usljed nastupanja okolnosti da je osoba čije se zapošljavanje sufinansira privremeno spriječena za rad duže od 42 dana ili zbog korištenja porodiljskog odsustva sufinansirane osobe, te se u tom slučaju obustavljaju refundacije do prestanka pomenutih okolnosti, a što će se definisati aneksom ugovora o sufinansiranju.

VIII

Obrasci za podnošenje Aplikacija i Vaučeri za posao mogu se dobiti u Službi u Odjeljenju za podsticajne mjere zapošljavanja, ulica Đoke Mazalića 3, kancelarija br.15/I ili preuzeti sa web stranice Službe www.szks.ba.

Nepotpuni i neblagovremeni zahtjevi neće se uzeti u razmatranje.

IX

Rezultati ovog javnog poziva biće objavljeni na web stranici Službe.

X

Aplikacije sa potrebnom dokumentacijom, podnose se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, ulica Đoke Mazalića broj 3, u zatvorenoj koverti sa napomenom: „Za Program sufinansiranja zapošljavanja teško upošljivih kategorija nezaposlenih osoba“.

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-127.

Sarajevo, Đoke Mazalića 3,
web-stranica: www.szks.ba; e-mail adresa: info@szks.ba
Tel/::++387 (33) 569-100, fax: 204-177; Matični broj: 4200304610003;
Poreski broj: 01079085; Računi Intesa Sanpaolo Banka d.d. Sarajevo:
1549212010171056-depozitni račun, 1540012000135120-transakcijski račun

